

**atRes**


atensaun no responde sedu  
hamutuk prevene konflitu

# **TIMOR-LESTE NIA SISTEMA ATENSAUN NO RESPONDE SEDU**



## **Relatoriu Trimestral**

*Fevereiru-Maio 2009*



# atRes

atensaun no responde sedu  
hamutuk prevene konflitu

Iha 2009 BELUN, hamutuk ho Universidade Columbia's Centro ba Resolusaun Konflitus Internasionais (CICR), estabese sistema Atensaun no Responde Sedu (AtReS) iha Timor-Leste. BELUN no CICR designa AtReS hodi aumenta resposta ba konflitu sedu no prevene katak violencia bele sai bo'ot liu tan iha nivel nasional no comunidade.

Ami agradese ba Governu Irlandia nia Departementu de Asuntus Estrangeiros liu liu Unit ba Resolusaun Konflitu ba sira nia apoio makas ba sistema ne'e.

Programa Husi



Suporta Husi Governu Irlandia,  
Departementu Asuntus Estrangeiros,  
Unidade Resolusaun Konflitu.



## Sumariu Exekutivu

BELUN nia Sistema Atensaun no Responde Sedu foun agora halo kompleta ona relatoriu ne'ebe primeiru fulan 4 husi procesu monitorizasaun. Uza ba rede servisu voluntariu mane no feto husi target sociedade sivil husi sub distritu 13, data ne'ebe rekolha ona husi insidente violensia nomos iha aspetu oin-oin iha social, ekonomia, politiku nomos fator external ne'ebe fo hatudu indikasaun tensaun lokal. Data verifikasaun lokal liu husi rede referencia oin-oin ne'ebe iha posivel no klaru nomos halo analizasaun ba dadus hodi identifika no determina problema iha base ne'ebe tau matan to'o nivel nasional, ho tempu ne'ebe naruk ba referencia topiku espesifiku.

Resultadu ne'ebe hetan husi relatoriu ne'e bele prepara facilita no informa ba Governu, parceirus dezentovimentu nomos komundade sira rasik hodi halo planu aksaun. BELUN sei uza relatoriu ne'e no utiliza esperiencia ba dezentolve paz hodi fo suporta asistencia ba komundade ba hatan tensaun ne'ebe identifika iha peskiza ho ne'e bele halo antisipasaun ba eskalasaun konflitu.

Durante periodu relatoriu husi data 1 de Fevereiro to'o 31 de Março 2009, total insidente 187 husi reportangem sistema AtReS. Geralmente iha resposta positivu husi komundade, indikadores hamutuk 252 husi parte insidente ne'ebe identifika ona iha intensaun diak hodi responde ba kazu ne'e, hanesan kazu ne'ebe dala barak mosu, liu ema nain ida representa komundade ne'ebe marka prezensa iha procesu no lalaok ba resolusaun konflitu. Iha oportunitade badak ne'e (21 relatoriu husi total) iha ona relasaun ne'ebe klaru husi akontesimentu antes. Iha relatoriu konflitu dala barak akontese tipu konflitu amensa lia fuan no intimidasaun (79 insidentes) kompara ho ema individual mak baku malu (54 insidente).

Problema akontese liu iha uma laran geralamente (112 insidentes). Membros familia nudar parte uma laran mos dala barak akontese insidente (72 insidente), insidente tuir mai involve ema agrikultor (46 insidentes) no seluk inklui insidente entre vizinho (32 insidentes). Indikasaun hirak ne'e hatudu katak konflitu iha nasaun ne'e dala barak akontese kona ba problema partikulariu/privadu ne'ebe foka liu ba odium vigansa.

Korelasaun konflitu ne'ebe aas tebes kona ba generu, feto hamutuk involve iha insidente minus 50% husi relatoriu ne'e. Dala barak insidente violensia ne'ebe mak mosu uza asultu maibe la uza kilat (115 insidentes), ho sasan kroat hanesan katana ou tudik iha 26 kazu insidente no uza fatuk hodi tuda malu hamutuk 19 iha akontecimentu okasiaun. Laiha insidente violensia atu relata hodi hatudu indikasaun ba uza sasan kilat iha target sub-distritu 13 durante periodu reportazem. Iha 43 relatorio ne'ebe simu husi vitima, iha (11 insidentes) ho sasan ne'ebe hetan stragus nomos 52 insidentes halo ema tauk no halai husi komundade. PNLT durante ne'e dala barak involve no suporta hodi resolve konflitu ne'ebe mosu ho numeru insidente 66 tuir relatoriu ne'ebe hato'o. Lider lokal ne'ebe koko involve no interven hamutuk 55 insidente. Iha okasiaun 38 resposta la iha ba kasu entaun tensaun bele sai bo'ot liu tan ba oin.

Ba nasaun Timor-Leste tomak, tau matan ba kazu insidente uma laran nomos abusu sexual. Nivel tensaun mos aas liu kona ba rekursus naturais nomos problema hadau malu rai plantasaun, involve mos reportazem kona ba sistema kontrol animal atu labele estraga to'os no natar. Ekonomia fo presaan iha fatin-fatin ne'ebe makas ho folin sasan lokal ne'ebe tun bebeik ho acesu merkadoria ne'ebe mak atraza liu. Konsekuensia mak joven barak husi fatin ne'e no lao ba buka servisu iha fatin seluk. Atividade grupu arte marciais fo hatudu katak sempre kria tensaun no nudar abut konflitu iha komundade iha sub distrito oin-oin, balun involve iha atividade ne'ebe uza kilat no dala barak kria preukupasaun ba polisia sira iha assuntu ne'e ba seguransa. Entre tantu iha fiar ba nivel aas liu, maibe justisa lei tradisional dala ruma la konsege resolve problema disputa. Liu-liu politika ne'ebe mai husi komundade nudar papel no responsabilidade ba hatan konflitu, procesu barak atu bele halo hodi hametin no reforsa relasaun positivu, nomos hametin konsiencian kona ba lei formal ne'ebe existe ona.

Hanoin kona tempo ou data ne'ebe limitadu tebes ba tau matan, susar tebes atu bele iha acesu ba identifika meta mudansa no fo valoriza problema husi tempo ba tempo ho definitivu. Atu oinsa mos, hatudu duni tensaun iha komunidadade durante fulan Março, fulan Abril no to'o rohan, final iha fulan Maio 2009. Ne'e fo impaktu ba indikasaun ba pontensi konflitu. Fo influencia lalais ba fatin hotu-hotu no hatudu karakter ne'ebe temporariu, spesifiku liu katak laiha atividade politiku ne'ebe fo dalan hodi fo resultadu ne'ebe universal ba mudansa social durante periodu observasaun.

### **Introdusaun**

Hahu hari'i husi tempo tinan 5 liu ba, BELUN nudar organizasaun nasional Timor-Leste nian, halo ona mudansa dezvoltimentu no hetan reputasaun positivu ne'ebe forsa tebes ba komunidadade vulneravel hodi servisu makas ba hatan prevensaun konflitu. Iha parceria ho Centro Resalusaun Konflitu Internasionais (CICR), iha tinan ne'e BELUN dezenha programa foun, sistema "Atensaun no Responde Sedu (AtReS)" nudar sistema ne'ebe fo orientasaun liu ba iha komunidadade hodi bele fo apoio ba responde konflitu no tensaun iha nivel lokal. Programa ne'e realiza ona no hetan apoio orsamentu husi governo Irlandia husi Unidade ba Resulusaun Konflitu nian.

Programa ne'ebe foun – Atensaun no Responde Sedu (AtReS), realiza liu husi servisu hamutuk ho monitores BELUN nudar rede servisu hamutuk ho status voluntariu iha nivel sub distrito 13 hodi halibur informasaun ne'ebe relevante ho potencia ba konflitu iha komunidadade. Monitores sira ne'e nudar autor ba suporta dame husi sociedade sivil ne'ebe fo sira nia kontribusaun antes liu husi observasaun. Iha tempo agora, target ba sub distrito 13 ne'ebe monitor sira tau matan liu husi programa sistema AtReS, iha distritu hotu-hotu iha teritoria Timor-Leste ne'ebe representa area luan liu husi centro kapital distritu to'o nivel lokal, ne'ebe iha historia konflitu lokal.

Relatoiu primeiru ne'e representa kulminasaun husi fulan 4 nia husi monitorizasaun husi sistema AtReS. Ho esperanca katak impresan husi kondisaun lokal ne'ebe iha Governu mak sei tau matan, parceiru dezvoltimentu nomos husi komunidadade sira rasik ba fatin ne'ebe iha preukupasaun emergencia. BELUN sei fo kontribuisaun ba dezvoltolve paz ne'ebe presiza liu kbiit spesifiku iha fatin ne'ebe refere. Atu kompleta liu hodi hasai dezenha konflitu komunidadade no atu nakloke hodi habelar programa sistema AtReS.

### **Metodologia**

Atu ba etapa primeiru monitorizasaun liu husi sistema AtReS, BELUN halo ona rekrutamentu ba ema monitor hamutuk total 26 (feto nain 11 no mane 14), nain 2 ba kada target sub distritu. Monitor sira ne'e mak membros komunidadade, hamutuk ho pozisaun no status nudar sociedade sivil ne'ebe pre-existe atu tau matan ba insidente no mudansa situasaun ho status funsaun voluntariu. Monitor sira ne'e halo bebeik monitorizasaun ba oin no analiza konflitu nomos hetan treinamentu kona ba mekanismu no tekniku monitorizasaun nomos transformasaun konflitu dala rua kada tinan ida no direktamente hetan apoio asistencia husi BELUN hamutuk iha 5 koordenador regiaun.

Monitorizasaun halo ona dala barak liu husi observasaun direita, laos ho modelu investigasaun. Hato'o ba monitor sira atu bele uza kontaktu rede lokal ho konhesementu klean kona ba dinamika moris iha komunidadade hodi informa sira nia responde ba konflitu. Iha tipu rua relatoriu – primeiru kona ba insidente konflitu (luan ba ameasa no intimidasaun liu husi straga sasan, straga fiziku) no segundo relatoriu situasaun kona ba issu oin-oin hanesan issu social, ekonomia, politika nomos fator external ne'ebe relasiona ho nivel tensaun komunidadade.

Formulariu ne'e estabese ona no estuda komprehensivu husi mekanismu atensaun sedu iha nasaun-nasaun seluk, no koko atu bele haklot subjektivitas ba responde nomos iha possibilidade ba analiza ne'ebe uniforma iha fatin hotu-hotu, kona topik no periodu ba tempo. Wainhira iha relatoriu

insidente, husu ba monitor sira atu bele identifika lista karik iha possibilidade hodi hetan autor ba responde, metodu no impaktu (hanesan etapa prosesu) ne'ebe bele fo klarifikasaun ba iventu ne'e.

### Rezultadu Nasional

Durante periodu 1 de Feveireiru to'o 31 de Maiu 2009, iha insidentes numeru 187 ne'ebe hatudu iha sistema relatoriu AtReS husi sub-distritu ne'ebe monitor tau matan. Numeru ne'e la inklui dadus husi Vemasse, iha distritu Baucau, tanba iha troka ba monitor iha fatin ne'e.

Iha respostas barak ba insidente ne'e husi comunidade rasik, ho ema nain 252 ne'ebe involve ba buka resolusaun – numeru ne'e hatudu katak iha kazu ida husi tolu, iha ema barak no laos ida deit, ne'ebe buka meius ba hatan konflitu. Iha 21 kazu deit, iha ligasaun ho insidente uluk, ne'ebe fo indikasaun katak motivasaun ba konflitu la klaru iha comunidade hotu, ka dala ruma, konflitu la tuir ema nia hanoin.

Dala barak, konflitu ne'ebe hatudu iha relatoriu AtReS inklui amesa ho lia fuan no intimidasaun (insidentes 79). Iha mos konflitu baku malu entre ema nain rua (54 insidentes), no grupu baku malu iha kazu 13. Konflitu akontese dala barak liu iha uma ka rai privadu (insidentes 112), nomos iha dalan (29) no merkadu (16). Fatin ne'e liga ho ema ne'ebe hetan violencia. Membru familia involve iha insidentes 72, to'os/animal nain iha 46 nomos viziñu iha 32. Situasaun ne'e hatudu katak konflitu iha Timor-Leste laran iha assuntu pessoal no privadu.

Konflitu iha ligasaun klaru ho jeneru tanba feto involve iha insidente 72 deit, no hahu 14. Dala barak violencia halo ho liman ka ain, maibe iha kazu 26 ema uza ona katana, no iha kazu 19 uza ona fatuk. La iha insidente ne'ebe hatudu iha relatoriu AtRes ba periodu ne'e, katak ema uza ona kilat. Relatoriu hatudu katak iha kanek 43, estraga propriedade hamutuk 11 kazu, no iha kazu 52 ema halai husi comunidade. Dala barak PNTL resposta ba konflitu – sira ba insidente 66 ne'ebe hatudu iha relatoriu AtReS. Lider lokal resposta kuaze hanesan – sira buka resolusaun ba insidente 55.

Maske iha ema ne'ebe atende konflitu barak, iha mos konflitu seluk barak laiha oportunidade ba hetan resposta resolusaun. Maske iha sinal positivu, iha nafatin esforsu no servisu barak ba prosesu resolusaun konflitu.


Sub-distritu	Distritu	Numeru Insidente
Passabe	Oecusse	50
Ainara Vila	Ainara	31
Letefoho	Ermera	18
Maliana Vila	Bobonaro	13
Tutuala	Lautem	12
Manatuto Vila	Manatuto	12
Viqueque Vila	Viqueque	10
Remexio	Aileu	10
Liquica Vila	Liquica	10
Metinaro (ink. kampu IDP)	Dili	8
Same	Manufahi	7
Suai	Covalima	6*
* Dadus husi fulan 3 deit		

Iha nasaun Timor-Leste tomak, reportagem ne'ebe hato'o halo ema laran triste kona ba violensia domestika no abuzu sexual, indikador 2 ne'e tama iha nivel sanulu husi total indikador 62, halo identifikasaun nudar indikador ne'ebe sae ba bebeik iha target sub distritu. Fo hanoin ba sistema agrikultura ne'ebe fo orientasaun liu ba ekonomia husi komunidadade Timor oan, bele detekta katak iha ema ilegal ne'ebe mak tesi ai no sunu rai hodi aumenta sira nia rendimentu husi fatin ne'e. Bele hare'e klaru katak iha presaan ekonomiku makas iha teritoriu Timor-Leste. Ema barak dehan katak folin tuun ba produitu lokal oin-oin nomos ema ne'ebe sosa menus. Seguransa alimentariu identifika nudar problema ne'ebe aumenta ba bebeik liga ho assuntu ne'e. Kuaze iha distritu hotu, relatoriu hatudu katak juventude sai husi sira nia komunidadade hodi buka servisu iha fatin seluk.

<b>Sub-distritu</b>	<b>Distritu</b>	<b>Kuantidade Potensial ba Konflitu†</b>
Passabe	Oecusse	896
Ainaro Vila	Ainaro	844
Viqueque Vila	Viqueque	840
Liquica Vila	Liquica	827
Maliana Vila	Bobonaro	798
Letefoho	Ermera	785
Tutuala	Lautem	762
Metinaro (ink. kampu IDP)	Dili	761
Manatuto Vila	Manatuto	760
Remexio	Aileu	653
Suai	Covalima	601
Same	Manufahi	557
Vemasse	Baucau	545

† Ne'e reprezenta dadus husi indikador 62 ne'ebe liga ho konflitu. Tuir sistema AtReS, maximum (ne'ebe reprezenta mudansa hotu aat) hanesan 1,128. Minimum (ne'ebe reprezenta mudansa iha indikador hotu diak) hanesan 496 deit.

# Potensial Konflikta Iha Target Sub-Distritus Fevereiro - Maio 2009







Monitor sira iha sub-distritu barak hato'o katak grupu arte marciais sempre kria tensaun, maibe interaksaun ho policia no forcas seguransa mos kria preokupasaun. Relatoriu barak ne'ebe simu ho indikasaun ne'ebe PNIL no F-FDTL halo patrolhu iha comunidade halo ema laran tauk tanba sei trauma. Ho lakon konfiansa iha instituisaun estadu seguransa, dala ruma ema gosta uza liu media tradisional atu responde ba disputa ka konflitu. Nomos, relatoriu hatudu katak lei tradisional dala ruma la bele fo resolusaun diak, tanba ne'e konflitu kontinua. Ho progresu ba fo responsabilidade bo'ot ba PNIL iha foho, presiza servisu barak hodi kria interaksaun positivu entre comunidade no policia, nomos ba aumenta opsaun legal.

## **Rezultadu Distrital**

### ***Oecusse***

Iha sub-distritu hotu ne'ebe monitor tau matan, Passabe, iha distritu Oecusse, karik iha problema barak liu ho konflitu. Iha fulan hat, relatoriu AtReS hatudu insidente 50 husi fatin ne'e, dala barak ameasa ho lia fuan no asalta fisiku. Insidentes 6 liga ho insidente uluk. Estraga propriedade hatudu iha kazu 4 deit, no grupu baku malu dala ida. Dala barak liu, konflitu akontese iha uma ka rai privadu (insidentes 34) ho insidente ida deit iha eskola no kampu futbol no Igreja.

Ema ne'ebe hetan violencia dala barak membru familia (insidentes 19) ka viziñu (insidentes 8). Iha mos konflitu ne'ebe involve juventude ka membru PNIL. Mane no fetu involve nudar vitima kuaze hanesan – mane deit involve iha kazu 22. Fetu deit involve iha insidentes 17. Iha insidente liu, ema uza ona liman ka ain. Uza katana iha kazu 5 no fatuk iha kazu 3 deit. Tanba ne'e, fetu nain 5 no mane nain 7 hetan kanek, maske ema nain 7 mos halai.

Karik tanba sub-distritu ne'e do'ok, insidente liu iha Passabe hetan resolusaun ho ajuda husi lider lokal. Iha mos problema ho kazu 16 ne'ebe laiha resposta balun nomos la iha procesu ba resolusaun. Iha kazu ruma, ema ne'ebe involve iha konflitu kona ba rai ka animal buka resolusaun rasik. Lider lokal ka lian nain involve iha kazu ida deit. Laiha representasaun husi sociedade civil barak, tanba ne'e sira fo ajuda iha kazu ida deit. Iha Passabe, bele dehan katak iha problema bo'ot ho violencia nomos comunidade ne'e presiza metodu resolusaun konflitu seluk.

Hanesan ita bele predikta husi nivel aas ba insidente violencia, monitorizasaun hatudu preokupasaun barak ne'ebe mai fator ekonomiku. Seguransa alimentariu kria tensaun, nomos hamenus komerciu. Juventude mane no fetu barak sai ba buka servisu iha fatin seluk. Ema ne'ebe la sai, dala ruma halo atividade jogus karta ilegal (judi) ho osan. Desastre naturais, hanesan bee sai, aumenta problema ne'e tanba limita asesu nomos liga ho konflitu kona ba rai.

Interaksaun ho institusaun estadu dala ruma limita iha comunidade ne'ebe akontese problema barak tanba ema hela iha fatin isoladu. Liga ho kontextu ne'e, problema ida ne'ebe reprezenta dadus iha periodu monitorizasaun, ema dala ruma la gosta resolusaun ne'ebe hetan husi procesu lei tradisional. Maske nivel ba uza metode ne'e la muda barak, abilidade ba hadi'a konflitu menus. Acesu ba informasaun refere ba procesu lei tradisional dala barak kona ba uza rai ka sistema kontrola animal. Iha mos nivel aas ba respostas kona ba atividade grupu arte marciais nomos konflitu entre grupu seluk-seluk iha comunidade ki'ik nia laran. Klaru, iha divisaun bo'ot iha ne'e, ne'ebe presenta oportunidade diak nudar atividade ba hari'i paz.

### ***Ainaro***

Kota distrital Ainaro Vila tuir ho numeru insidentes 31. Dala barak, insidente ne'e involve ameasa ho lia fuan deit (kazu 21). Violencia akontese iha kazu 7 iha fulan hat. Iha baku entre ema nain rua (insidentes 5) no estraga propriedade dala ida. Insidente 3 liga ho konflitu uluk. Maske konflitu barak liu akontese iha uma ka rai privadu (insidentes 24), iha mos konflitu iha merkadu no dalan iha kazu 7.

Iha problema spesifiku ho Igreja Protestante nudar fatin ne'ebe iha konflitu. Ne'e karik tipu konflitu liga ho tensaun entre grupu religiaun.

Membru familia involve iha insidente dala barak (kazu 21), viziñu iha kazu 14 nomos to'os/animal nain iha kazu 6. Representante sociedade civil mos involve iha insidente 7, inklui ema husi Igreja Protestante nudar vitima. Konflitu iha comunidade involve kuaze hotu mane. Feto deit vitima iha insidente 3, mane vitima iha kazu 20.

Maske iha nivel aas oituan ba uza katana (kazu 5), konflitu barak involve nafatin ameasa ho lia fuan – hamutuk dala 9. Iha kanek ida deit, maibe iha kazu 15 ne'ebe hatudu iha relatoriu AtReS, ema halai tanba involve iha konflitu. PNTL resposta ba konflitu barak liu (insidentes 15) – karik ho presenza bo'ot tanba iha kota distrital. Lider lokal involve ba buka solusaun iha kazu hanesan. Resposta ofisial ne'e karik limita violencia iha Ainaro Vila, maibe iha assuntu ruma ne'ebe kria tensaun nafatin.

Monitorizasaun presenta imagem iha ne'ebe fator ekonomiku iha Ainaro Vila sai preokupasaun bo'ot, ho indikator kuaze hotu hatudu potensial aas ba konflitu. Maske familia iha aihan naton, atividade komercial menus nomos juventude barak sai husi comunidade hodi buka servisu iha fatin seluk. Preokupasaun bo'ot liu, iha potensial aas tebes ba konflitu kona ba acesu rai ka rekursus naturais – ne'e halo klaru liu kona ba comunidade ne'e katak ema moris hela iha tempu susar.

Maske laiha mudansa bo'ot iha lalaok kona ba kontextu politika ka insitusaun iha comunidade ne'e (nivel atividade partidu la aumenta nomos la menus, nivel suborna hanesan) iha nafatin relatoriu katak hatudu tensaun kona ba lider lokal iha Ainaro Vila. Issu ka lian anin aumenta, nomos ema hato'o ba publiku kona ba sira nia preokupasaun ho lider lokal. Preokupasaun ne'e bele kompriende, tanba presaan ekonomiku iha fatin ne'e.

Ho historia nudar fatin ne'ebe mosu konflitu barak, relatoriu hatudu nivel aas ba potensial konflitu kona ba rai, nomos divisaun entre grupu iha comunidade. Ne'e bele liga iha parte ho problema kona ba grupu religiaun iha Ainaro. Klaru iha tensaun makas ho ema ruma, tanba relatoriu violencia domestika (kontra feto nomos labarik) aumenta, nomos abuzu sexual. Ho monitorizasaun ba presaan external hatudu katak la iha interaksaun bainbain ho comunidade vizinu nudar problema ne'ebe komesa hamosu konflitu, presiza hanoin katak fonte konflitu mai husi Ainaro Vila rasik.

### ***Ermera***

Letefoho, iha distritu Ermera, iha nivel terceiru ho numeru insidente. Hamutuk husi monitorizasaun fulan hat, iha insidente 18. Maske iha numeru konflitu aas liu iha distritu seluk ruma, iha mos potensial aas iha ne'e hanesan konflitu sai violencia. Iha insidentes 16 deit ne'ebe inklui ameasa ho lia fuan, maibe mos asalta fiziku 13. Akontese dala 6 ba estraga propriedade. Ne'e hatudu katak bainhira iha problema bo'ot.

Bainbain, konflitu akontese iha uma ka rai privadu (insidentes 15), maske iha mos insidente 2 ne'ebe iha dalan, nomos insidente seluk iha Igreja, sede suku, merkadu no hospital. Dala barak, konflitu ne'e involve to'os/animal nain (insidentes 11) ka funsionario lokal (2) ka estudante (1). Mane deit involve iha insidentes 10 nomos feto deit iha 6.

Iha insidente 14 ne'ebe uza ona liman ka ain deit, nomos insidente 8 ne'ebe uza katana ona. Presiza konsidera katak comunidade ne'e iha foho – ema barak uza katana katak nudar to'os/animal nain. Relatoriu AtReS hatudu katak mane nain 2 nomos feto nain 2 hetan kanek. Karik tanba iha konflitu barak kona ba rai, bainbain lider lokal involve iha procesu resolve resolusaun hamutuk dala (insidentes 9), kuaze hanesan PNTL (insidentes 8). Lian nain fo ajuda ho resolusaun iha kazu 4. Dadus ne'e fo impresaan katak iha Letefoho, iha problema bo'ot liu ho ema ne'ebe servisu nudar to'os/animal nain.

Letefoho nudar komunidad, iha nivel ba reliansa/fiar-an ba agrikultura – tanba ne'e, iha dala barak konflitu kona ba rekursus naturais. Iha perigozu ba lalaok moris ne'e, ho juventude barak sai husi komunidad hodi buka servisu seluk nomos folin produitu lokal menus. Ho presau ekonomiku ne'e aumenta, no lakon infrastutura ka oportunitade ba hetan treinamentu foun, tensaun iha komunidad karik mos aumenta. Ema barak dehan katak partidu politiku kria divisaun entre ema Letefoho, nomos presenza PN'TL no F-FD'TL mos halo preokupasaun ba komunidad.

Hanesan iha komunidad foho seluk, disputa kona ba rai akontese barak, no metode ba resolusaun hatudu problema. Konflitu iha ne'ebe ema hemu tua ka uza aimoruk droga aumenta, hanesan insidente kona ba violensia domestika baseia ba jeneru. Tanba Ermera besik Dili, no halo produitu lokal barak, iha mos konflitu kona ba presenza iha merkadu Dili, nomos kona ba baliza rai entre komunidad sira.

### ***Bobonaro***

Monitores husi Maliana Vila fo relatoriu AtReS ne'ebe hatudu insidentes 13 akontese iha Feveireiru to'o Maiu nia laran. Iha kazu 4, iha ligasaun ho insidente uluk. Bainbain konflitu involve entre ema nain rua baku malu (insidentes 9), maibe iha mos insidentes 4 ne'ebe involve grupu baku malu. Ameasa ho lia fuan involve iha insidentes 3 deit, hatudu katak violensia akontese lalais iha fatin ne'e.

Hanesan iha fatin seluk, dala barak konflitu akontese iha uma ka rai privadu (insidentes 5), maske iha mos problema iha merkadu (insidentes 4). Ema ne'ebe involve iha konflitu bainbain membru familia (insidentes 3) ka to'os/animal nain (insidentes 3), maibe iha mos problema ne'ebe involve estudante (insidente 2) nomos membru grupu arte marsiais (insidentes 2). Mane deit involve iha konflitu dala 8, fetu deit hetan violensia iha insidentes 3. Iha insidente kuaze hotu, ema uza ona liman ka ain. Iha kanek rua, nomos ema nain 4 ne'ebe halai.

Maske Maliana Vila kota distrital, bainbain laiha resposta ba konflitu. PN'TL koko buka nafatin procesu ba resolve iha kazu 3, maibe iha kazu 9 balun la iha procesu solusaun. Numeru ne'e fo impresaun ba problema ho juventude, maibe presiza nafatin esforsu barak.

Relatoriu husi Maliana Vila fo impresaun ba problema kona ba laiha servisu – juventude mane barak maka tuur iha dalan-dalan ka hela iha uma deit – ne'e karik liga ho aumenta nivel judi ilegal. Entre ema ne'ebe iha servisu, konflitu kona ba rai aumenta, ne'ebe indika ema barak iha presau ba seguransa alimentariu. Lakon rendimentu la limita ba mane deit – tanba ne'e, iha nivel aas ba prostitusaun iha ne'e, ne'ebe hatudu tempu susar ne'ebe afeita mos ho fetu.

Maske tensaun ne'ebe ejiste iha situasaun ekonomiku Maliana Vila nian, ne'e no la fo impaktu bo'ot ba interaksaun ho institusaun estadu. Relatoriu la hatudu preokupasaun ho lakon seguridade, nomos laiha mudansa iha procesu resolve disputa (ne'ebe uza bainbain lei tradisional). Tensaun afeita komunidad ho aprosimasaun seluk – nivel aas ba violensia entre grupu arte marsiais nomos grupu seluk iha komunidad nomos konflitu seluk kona ba rai hatudu iha relatoriu ne'e. Abuzu domestika, inklui violensia sexual aumenta. Tanba laiha interaksaun bainbain ho sub-distritu seluk, dadus fo impresaun ne'ebe komunidad ne'e iha potensial aas ba kontinuasaun konflitu.

### ***Lautem***

Iha distritu Lautem laran, monitores AtReS nian hela iha Tutuala. Sira fo relatoriu ne'ebe hatudu insidentes 12 iha fulan hat. Dala barak, insidente ne'e involve ameasa ho lia fuan deit, maibe iha baku malu iha kazu 4. Bainbain, insidente akontese iha uma privadu, maibe konflitu 2 akontese mos iha kampu. Iha ligasaun klaru ho ema ne'ebe involve iha konflitu – to'os/animal nain (insidentes 6), viziñu (3) no membru familia (5). Laiha relatoriu balun ne'ebe hatudu katak fetu involve iha insidente.

Violencia bainhira akontese, bainbain involve baku malu ho liman ka ain. Katana uza ona iha insidente 3 deit. Presiza hanoin katak iha komunidadade foho, ema barak uza katana. Iha kanek 3, maibe laiha ema ne'ebe halai depois konflitu. Karik tanba fatin ne'e dook, nomos karik tanba iha konflitu barak kona ba rai, lider lokal bainbain involve iha konflitu (insidente 5) nomos PNNTL ajuda resolve ho konflitu ida.

Tutuala iha impresaun ba komunidadade ne'ebe aumenta iha parte situasaun ekonomia. Seguransa alimentariu aumenta durante periodu monitorizasaun, nomos folin produutu lokal la muda. Numeru juventude ne'ebe sai husi komunidadade hodi buka servisu menus. Iha konflitu nafatin kona ba uza rai, maibe iha mos evidencia ba projetu infrastrutura foun no planu foun relasiona ba desastri naturais no eventu seluk ne'ebe bele hapara produsaun lokal.

Fator interesante loos iha area ne'e – PNNTL iha responsabilidade total ba hametin paz liu husi sira nian knar. Iha periodu monitorizasaun, entre tanto policia halao sira nia funsaun lolos maibe fo nafatin preokupasaun ne'ebe aumenta iha Tutuala kona ba prezensa policia ho sira nia aprosimasaun ba komunidadade. Maske insidente violencia hatudu iha relatoriu la barak, iha mos tensaun kona ba mudansa ne'e. Topiku seluk kona ba preokupasaun balun la kontenti kona ba lei tradisional. Prosesu ne'e uza hodi resolve disputa barak (karik tanba la besik tribunal) maibe iha procesu resolusaun dala ruma deit ba tribunal. Disputa ne'e bainbain kona ba uza rai, prezensa grupu arte marciais, nomos insidente violencia domestika.

### ***Manatuto***

Iha Manatuto Vila, iha insidente 12 durante periodu observasaun komesa husi Feveiru no remata iha Maio 2009. Ida deit liga ho insidente uluk. Akontese ameasa ho lia fuan ka intimidasaun (insidentes 3) nudar prediksaun ba violencia, tanba iha insidente ne'ebe foka liu baku entre ema nain rua (insidentes 9) nomos nomos balu malu entre grupu (insidentes 2). La hanesan ho distritu seluk, bainbain insidente akontese iha fatin publiku – insidente 5 iha dalan, 2 iha eskola nomos 4 iha uma privadu.

Maske violencia entre membru familia akontese iha ne'e (insidente 6), iha mos konflitu ne'ebe involve juventude – mane no fetu (insidente 5). Mane involve iha konflitu 8, nomos fetu iha 5. Karik tanba konflitu ne'e bainbain domestika, nomos seluk involve juventude, insidente dala barak involve ema uza liman ka ain deit – ema uza fatuk dala rua ona. Iha kazu 3, iha kanek, nomos ema nain 6 halai. Ne'e karik hatudu rezultadu husi prezensa PNNTL nian. Iha Manatuto Vila, iha nivel aas liu iha distirtu hotu ba resposta PNNTL ba konflitu (insidente 10), maske lider lokal buka solusaun maibe iha kazu ida deit.

Situasaun ekonomia iha Manatuto Vila durante periodu observasaun laiha mudansa barak – laiha preokupasaun foun kona ba seguransa alimentariu ka atividade komersial. La hanesan ho kontextu seluk iha Timor-Leste, konflitu kona ba rai ladun barak. Maske iha nafatin juventude ne'ebe sai husi komunidadade hodi buka servisu, ne'e la akontese iha nivel aas. Status quo ne'e, ho lakon oportunitade foun, halo populasau menus.

Maske, geralmente, laiha preokupasaun bo'ot kona ba interaksaun ho politika ka institusaun iha Manatuto, iha area balun ne'ebe identifika. Iha periodu observasaun, iha resposta klaru ne'ebe indika tensaun ba patrolhu policia iha area ne'e, nomos insidente violencia ne'ebe PNNTL rasik involve direita. Ligasaun ho indikator rua ne'e hatudu katak relasiona entre policia nomos komunidadade hotu-hotu lao ladun diak. Preokupasaun seluk involve disputa rai nomos nivel aas ba insidente abuzu no violencia domestika. Assuntu kona ba insidente ne'ebe involve membru policia prezisa atensaun imediata.

### ***Viqueque***

Kota distrital Viqueque Vila hatudu relatoriu insidentes 10 ba konflitu iha periodu monitorizasaun primeiru. Nudar fatin ho historia ba violencia ne'ebe kontinua, ne'e diak katak insidente dala barak (insidentes 6), involve ameasa ho lia fuan deit. Insidentes seluk (2) involve baku malu entre ema nain rua nomos entre grupu (2). Konflitu 7 akontese iha uma privadu, seluk iha dalan ka merkadu.

Membru familia bainbain hetan konfliktu iha sub-distritu ne'e (insidentes 4), nomos ofisial Governu, viziñu, estudante no to'os/animal nain involve iha insidente ida. Mane komesa konfliktu iha insidente kuaze hotu, maibe fetu deit involve nudar vitima iha kazu 3. Bainhira iha violencia, bainbain akontese ho liman ka ain deit (insidentes 6) no katana uza ona dala ida deit. Relatoriu hatudu kanek 2 (ba mane deit) maibe laiha ema ne'ebe halai. Lider lokal (inklui lian nain) dala barak involve iha buka solusaun ba konfliktu (insidentes 3) nomos PNITL fo ajuda iha kazu 2. Iha insidente seluk hotu, balun laiha resolusaun – situasaun ne'e kria potensial aas no bele akontese fali.

Klaru iha presau ekonomiku ne'ebe iha afeita ba situasaun iha Viqueque Vila, tuir relatoriu monitor husi Feveireiru to'o Maio. Folin produktu lokal tuun beibeik nomos ema la iha servisu aumenta (hanesan judi ilegal). Desastre naturais aas iha comunidade, aumenta preokupasaun seluk-seluk. Atividade grupu arte marciais dala ruma mos hamenus ema nia solidariedade iha sub-distritu ne'e.

Hanesan iha parte Timor-Leste seluk, bainhira iha nivel aas ba konfliktu kona ba rai ka sistema kontrola animal, ema uza procesu lei tradisional. Konfiansa iha comunidade kona ba procesu ne'e menus, ho relatoriu ne'ebe indika nivel minimu ba resolusaun konfliktu. Peskiza barak hatudu katak aprosimasaun ne'e la dun efektivu iha kazu domestika ka abuzu sexual, hanesan dala barak akontese iha ne'e. Tanba Viqueque dook husi sistema tribunal, konfliktu barak la resolve husi lei formal.

### *Ailen*

Sub-distritu Remexio, besik Dili, hatudu insidentes 10 ba periodu monitorizasaun. Konfliktu barak liu involve ameasa ho lia fuan ka intimidasaun, maibe iha asalta fisiku iha kazu 5. Kazu seluk 2 involve estraga (ka naok) propriedade. Konfliktu ne'e bainbain iha fatin publiku – insidente 2 deit akontese iha uma privadu, seluk akontese iha sede suku (insidentes 2) ka merkadu, seluk iha area eskola ka kampu.

Konfliktu barak involve juventude ka estudante (insidentes 7); insidente ida deit liga ho problema entre membru familia. Hanesan iha distritu seluk, mane involve liu iha konfliktu (insidentes 7) duque fetu. Laiha relatoriu ne'ebe hatudu uza armas hanesan katana ka fatuk, maibe iha kazu 2 iha ne'ebe ema hetan kanek nomos ema ida halai.

Lider lokal, no lian nain, servisu hamutuk atu buka solusaun ba hatan konfliktu (3), PNITL involve iha insidentes 2. Iha insidentes seluk 3, laiha resolusaun ne'ebe involve parte external. Bainhira konsidera problema ho violencia entre juventude iha Remexio, presiza hanoin katak terminologia 'juventude' bele inklui ema barak.

Nudar fator ekonomiku, sub-distritu ne'e hatudu ona preokupasaun balun ne'ebe aumenta. Maske iha nivel aas ba ema la iha servisu, nomos atividade komersial tuun, fator ne'e la aumenta hodi kria suporta konfliktu. Indikador kona ba interaksaun iha comunidade hatudu sinal positivu durante periodu observasaun, ho disputa kona ba rai ka rekursus materiais menus, nomos halo mudansa entre familia hodi fahe osan. Lakon oportunitade ne'ebe bele aumenta ba programa treinamentu ka aumenta projetu infrastrutura karik necesita katak familia sira bele halibur hamutuk hodi kria moris ne'ebe diak liu.

Kuaze resposta barak husi Remexio fo impresau katak comunidade ne'e laiha problema bo'ot kona ba interaksaun politiku ka institucional. Laiha relatoriu barak ba subornu, uza armas ka problema entre partidu – tanba ne'e bele dehan katak lideransa iha ne'e iha hanoin diak. Preokupasaun iha area balun kona ba patrolhu PNITL no F-FDITL. Iha Feveireiru no Marzu 2009, monitores indika katak ema muda ho liberdade menus tanba forca armada no policia iha sub-distritu ne'e. Laiha insidente violencia ho ninia konsekuensia aas ne'ebe hatudu iha relatoriu, no preokupasaun husi assuntu ne'e menus durante fulan hahu no depois. Iha area ba preokupasaun seluk ida deit – kona ba procesu lei tradisional –

monitorizasaun hatudu nivel reliansa/fiar-an aas. Maibe iha mos disputa barak la resolve. Ne'e fo impresaun ba lakon acesu ba procesu diak ba resolusaun konflitu iha ne'e.

Nudar fator social, laiha mudansa ne'ebe hatudu iha relatoriu kona ba acesu ba programa edukasaun no saude. Iha atividade sociedade sivil oin-oin, maibe laiha iniciativa no hakarak orienta hamutuk iha fatin ne'e. Tanba ne'e, laiha interaksaun barak entre grupu ne'ebe mai husi religiaun ka regiaun ne'ebe la hanesan. Iha tempu hanesan, atividade ba hari'i paz menus durante periodu observasaun, no dialogu entre grupu arte marciais (historia problema iha fatin ne'e) kuaze hapara. Ne'e fo impresaun ba divisaun bo'ot iha comunidade laran. Relatoriu ba fator external hatudu katak la iha konflitu barak entre comunidade Remexio no comunidade seluk ne'ebe hela besik – nune'e mos comunidade ne'ebe hela dook oituan husi fatin ne'e.

### *Liquica*

Monitores ne'ebe hela iha Liquica Vila dehan katak iha fulan Feveireu to'o Maiu 2009, iha insidente 10. Iha fatin ne'e, maske amesa ho lia fuan no intimidasaun akontese dala barak liu (insidentes 6), iha mos konflitu barak liu ne'ebe akontese iha estraga ka naok propriedade (6) duque iha akontese baku malu entre ema nain rua ka grupu (4).

Konflitu kuaze hotu akontese iha uma ka rai privadu (insidentes 9), entre membru familia (insidentes 5) ka membru sociedade sivil – inklui Igreja (insidentes 4). Hanesan iha Ainaro nomos distritu seluk iha Timor-Leste, grupu religiaun foun iha comunidade bele karik hetan presaan. Atividade husi grupu arte marsiais karik bele fo kontribusaun ba konflitu iha ne'e. Maske mane bainbain komesa konflitu (insidentes 7), dala barak konflitu involve mane no fetu hamutuk (insidentes 6). Iha mos konflitu ne'ebe involve mane deit (2) nomos incidente ne'ebe involve fetu deit (2).

Bainbain, konflitu akontese entre ema ne'ebe uza ona liman ka ain deit, maibe iha kazu 4, monitores dehan katak ema uza ona katana ka fatuk. Maske iha kanek ida deit husi konflitu ne'e, iha mos numeru aas ba ema ne'ebe halai tanba konflitu iha Liquica (mane 5, fetu 6) – ne'e fo impresaun ba comunidade iha ne'ebe existe divisaun bo'ot. Iha mos resposta makas ba konflitu – PNTL ajuda iha procesu resolusaun iha insidente 7, nomos lider lokal fo sira nia nia ajuda ba insidente 8 husi 10.

Tanba Liquica Vila besik Dili, juventude barak sai husi comunidade hodi servisu iha kantor. Alternativu seluk iha comunidade ne'e involve servisu iha merkadu ne'ebe iha konsumidor menus nomos iha konflitu kona ba rekursus aumenta. Ambiente Liquica nian la ajuda – iha bee sae nomos rai monu barak – tanba ne'e, iha relatoriu barak ba presaan ekonomiku durante periodu observasaun.

Relatoriu hatudu tipu barak ba konflitu ne'ebe nivel aas iha Liquica Vila. Disputa kona ba rai, acesu ba rekursus naturais no sistema kontrola animal liga ho fator ekonomiku ne'ebe existe domina. Atividade grupu arte marciais dala barak akontese nomos nivel relatoriu violensia kontra fetu no labarik iha uma aas liu iha fatin barak iha nasaun ne'e. Ho fator ne'e, lakon interaksaun ho governu no lideransa lokal nomos lakon konfiansa ho procesu lei tradisional – hamutuk kria comunidade moris aat liu.

### *Dili*

Sub-distritu Metinaro, ne'ebe existe kampu dezlokadu (IDP) bo'ot, hatudu insidente 8 iha periodu monitorizasaun. Amesa ho lia fuan akontese iha insidentes 5, seluk hotu involve baku malu entre ema nain rua (2) no grupu (1). Karik tanba dalan entre Dili no Baucau iha kampu IDP nian laran, nomos besik iha uma no kios barak, konflitu barak liu akontese iha ne'e (insidentes 4), no insidente 2 deit akontese iha uma privadu. Karik tanba bainbain laiha divisaun bo'ot entre moris publiku no moris

privadu iha kampu IDP nian iha ne'ebe hela ema barak liu, la bele uza numeru ne'e nudar prediksaun ba ema ne'ebe involve iha konflitu. Iha nafatin konflitu barak entre membru familia (insidentes 5) nomos entre to'os/animal nain (ema hanesan, iha kazu ruma).

Mane involve dala barak liu, hanesan bainbain, feto involve iha insidente 2 deit. Uza ona liman ka ain kuaze iha insidente hotu, maibe katana ida mos uza ona. Iha kanek ida no (hanesan bele karik anticipa husi kampu IDP nian) la iha ema ne'ebe halai. Lider lokal involve iha konflitu barak liu (insidente 5), nomos sociedade civil (ne'ebe iha presenza bo'ot iha Metinaro) involve iha kazu 2 no PNTL ajuda resolve konflitu ho kazu ida deit. Karik muda IDP bele troka situasaun iha ne'e.

Iha sub-distritu Metinaro, kampu dezlokadus domina. Tanba ne'e, bele reflektu hodi antisipa situasaun ekonomiku ne'ebe la dun diak. Iha nivel aas ba laiha servisu, maibe ema la barak buka servisu iha kantor ka sai husi comunidade hodi buka servisu iha fatin seluk. Iha presaan ba ambiente lokal, ho insidente tesi ai no sunu rai akontese beibeik iha periodu observasaun. Maske ne'e, Metinaro iha servisu social barak, ho infraestrutura diak no acesu ba treinamentu ba parte hotu-hotu.

Karik refleta dezlokasaun ba ema Metinaro barak, iha evidencia ba lakon konfiansa ho lider lokal nomos ho institusaun estadu. Subornu aumenta nudar lalaok nomos metode lei tradisional aumenta nudar procedu resolve konflitu. Tanba ne'e, konflitu kona ba procesu ne'e mos aumenta. Presenza bo'ot ba PNTL no F-FDTL kria tensaun, no atividade grupu arte marciais mos aumenta. Tanba iha grupu barak ne'ebe reprezenta iha kampu Metinaro, nomos lakon interaksaun relativu ba comunidade seluk, hatudu klaru konflitu barak iha Metinaro rasik.

### *Manufabi*

Maske iha relatoriu ba insidentes 7 deit, iha Same akontese kazu oho ema ida ne'ebe hetan relatoriu hotu husi monitorizasaun iha Timor-Leste. Iha mos insidente 4 ne'ebe involve baku malu entre ema rua no grupu. Iha amesa ho lia fuan iha insidente ida deit. Ne'e fo impesaun ba comunidade iha ne'ebe violencia bele akontese, no sai aat liu, lalais. Dala barak, konflitu akontese liu iha fatin publiku, hanesan dalan (insidentes 2) no merkadu (insidentes 2) duque iha uma privadu.

Ema ne'ebe involve iha konflitu bainbain ema negosiante (insidentes 2), estudante (insidentes 2) ka membru familia (insidente 1). Mane, hanesan iha distritu hotu, dala barak involve nudar prepetador nomos nudar vitima. Feto involve iha insidentes 2 deit. Iha konflitu ida deit ne'ebe ema uza ona fatuk. Iha kanek 5, nomos estraga propriedade iha kazu ida. PNTL resolve ona ba insidentes 3, maibe koordenador merkadu no lider lokal seluk mos involve (insidentes 4) tanba problema iha merkadu kona ba kompetisaun ba faan sasan. Agora, insidente oho ema hetan ona investigasaun husi PNTL.

Dadus husi Same la dun kompletu kompara ho distritu seluk hotu tanba uluk iha preokupasaun entre monitores ho lideransa policia iha distritu. Problema ne'e hotu ona, no monitorizasaun continua no laiha interupsaun. Agora iha relatoriu situasaun husi fulan tolu ne'ebe hatudu sub-distritu ho problema kona ba laiha servisu. Ema ne'ebe sosa sasan iha merkadu menus, ema barak tuur iha dalan, iha mos ema balun ne'ebe sai ba fatin seluk hodi buka servisu. Maske existencia profil lideransa politika aas iha comunidade, monitores dehan katak dala barak ema la uza institusaun estadu hodi resolve disputa – sira uza procesu lei tradisional. Relatoriu hatudu ema fiar katak partidu politiku kria divisaun entre ema Same. Ne'e laos preokupasaun ida deit – relatoriu mos hatudu insidente relasiona ho atividade grupu arte marciais nomos grupu seluk ne'ebe kria konfrontasaun. Iha mos konflitu sempre hanesan disputa kona ba rai.

### *Covalima*

Sub-distritu Suai hetan numeru badak liu – insidente 6 deit – uluk, PNTL lokal iha issu ruma ho metodologia ne'ebe atu hanesan sistema AtReS nian. Tanba ne'e, monitorizasaun tenki komesa iha fulan Marzu. Insidente ne'ebe hetan relatoriu fo impesaun ba nivel aas ba baku entre ema nain rua

(insidentes 2) nomos entre grupu (insidentes 3). Situasaun ne'e – inklui ameasa ho lia fuan – karik indika iha divisaun bo'ot iha comunidade laran.

Dinamika grupu ne'e karik mos liga ho insidente ne'ebe dala barak liu akontese iha fatin publiku – 4 iha merkadu, ida seluk iha kampu futbol. La hanesan distritu seluk, laiha relatoriu ida kona ba insidente ne'ebe akontese iha uma privadu. Ema ne'ebe involve iha konflitu bainbain membru grupu arte marsiais ka representante sociedade sivil. Violencia hotu involve mane deit; laiha feto ida ne'ebe involve nudar prepetador ka vitima.

Konflitu dala barak involve liman ka ain deit; ema uza ona katana ka fatuk iha kazu ida deit. Iha kanek 4, nomos ema halai depois insidentes 5. Maske PNNTL iha ona procesu ba resolve iha fatin preokupasaun balun kona ba procesu monitorizasaun, relatoriu hotu hatudu katak iha resposta barak husi PNNTL – sira ajuda atu buka resolusaun iha kazu hotu hamutuk 6, resolve hamutuk ho representante sociedade sivil iha kazu ida.

La dun iha mudansa barak ne'ebe hatudu durante periodu observasaun husi Suai, hamutuk ho hanoin positivu relaciona ho acesu aihan, folin lokal ne'ebe diak, atividade komersial nomos acesu ba treinamentu no oportunidade seluk ba rendementu. Ema ne'ebe buka servisu seluk iha kantor aumenta, no konflitu kona ba rai ne'ebe hatudu iha relatoriu menus. Iha nafatin juventude mane barak ne'ebe sai husi sub-distritu hodi buka servisu. Karik iha mudansa husi reliansa ba agrikultura ba ekonomia baseia ba komerciu ne'ebe fo presaan menus ba kondisaun iha Suai.

Estrutura ba comunidade makas iha ne'e, maibe situasaun ekonomiku karik troka. Monitores dehan katak laiha evidencia ba aumenta ka menus interaksaun ho lider lokal. Iha nafatin preokupasaun ruma kona ba presenza iregular F-FDNTL nomos kona ba patrolha PNNTL. Dala ruma insidente violencia hatudu iha relatoriu. Atividade grupu arte marciais iha problema nafatin, koncentra iha Suai, nomos abuzu sexula domestika (espesifiku liu ba labarik) kontinua sai preokupasaun bo'ot.

### ***Baucau***

Maske Vemasse fatin rural, besik nafatin Baucau nudar kotal kapital distritu. Geralmente, impresaun ekonomiku diak, ho preokupasaun la barak kona ba folin produtu lokal ka acesu aihan. Atividade konsumidor la muda. Iha mos sinal positivu, ho treinamentu no oportunidade rendimentu aumenta iha area ne'e. Karik nudar konsekuensia, numeru juventude mane no feto ne'ebe sai ba fatin seluk hodi buka servisu, maske relatoriu uluk hatudu nivel aas, agora menus.

Maske lalaok politiku no interaksaun ho institusaun estadu la muda durante periodu observasaun, acesu ba lideransa menus husi nivel aas. Atividade ruma inklui partidu politiku barak.

Maske atividade grupu arte marciais kontinua, no iha divisaun ruma iha comunidade kona ba identidade grupu ka religiaun, disputa barak hanesan iha fatin seluk, kona ba uza rai ka sistema controla animal. Ne'e akontese quaze hotu iha Vemasse laran, laos ho comunidade seluk. Relatoriu hatudu violencia baseia ba jeneru la barak, no acesu ba atendentu saude ka seluk, maske la barak, mos la menus.





## Mudansa durante Periodu Monitorizasaun

Tanba monitorizasaun la kontinua tempu kleur, susar atu fo impresaun kompletu ho klaridade. Maibe, depois analiza ba relatoriu insidente no situasaun, iha aumenta bo'ot ba tensaun iha comunidade hotu durante Marzu no Abril ne'ebe remata iha Maio 2009. Aumenta ne'e ba potensial konflitu akontese iha teritoriu Timor-Leste tomak, nomos reflata iha indikador kuaze hotu.

Relatoriu simu ona durante periodu ne'e la muda, tanba ne'e bele dehan katak laiha failansu kona ba metodologia. Maske prezisa kontinua ho monitorizasaun hodi determina rasaun klaru ba aumenta ne'e, tanba bo'ot no existe iha fatin barak, fo ideia balun katak relasiona ho fator meteorologia, espesifiku tanba laiha eventu politiku bo'ot durante periodu observasaun, ne'ebe bele aumenta kria konflitu.

Iha grafika segundu (kona ba relatoriu situasaun), numeru reprezenta rezultadus husi indikador 62 ne'ebe reflata nivel ba tensaun iha comunidade. Tuir sistema ne'e, maximum nasional (ne'ebe reflata mudansa hotu aat durante fulan ida to fulan hat) hanesan 3,525. Minimum nasional (ne'ebe reflata mudansa hotu diak durante fulan ida to fulan hat) hanesan 1,150. Tuir rezultadus ne'e, bele hare'e katak iha mudansa negativu (potensial ba konflitu aumenta), ho numeru nivel aas liu durante fulan Marzu nomos Abril, maibe nivel potensial ba konflitu aas tiha ona.





## Konklusaun

Monitorizasaun ho sistema AtReS kontinua no sai luan liu, tuir planu durante tinan rua oin mai, hodi hetan dadus husi sub-distritu seluk-seluk (depois hotu). Durante periodu oin mai, mudansa sai klaru liu iha regiaun nomos ho indikador. Iha tempu badak, maibe iha esperansa katak impresan ne'e ba potensial konflitu iha komunidade bele fornese baseia evidencia ba programa ka decisan politika husi Governu, parceria desenvolvimentu nomos target komunidade rasik.

Hanesan iha estudu seluk, dadus husi sistema ne'e hatudu violensia domestika no abuzu sexual nudar fonte konflitu bo'ot liu iha nasaun. Reliansa ka fiar-an ba procesu lei tradisional, ne'ebe relatoriu hatudu katak bele resolve problema disputa komesa menus, karik aumenta tensaun. Fator seluk ne'ebe aumenta potensial ba konflitu identifika iha perspektiva komunidade nian ba policia no forcas armadas balun, maske involve barak ba resolve disputas, dala barak kria preokupasaun rasik bainhira halo patrolha. Tuir rezultadu monitorizasaun, bele kria prioridade klaru ba prevensaun konflitu hanesan, precisa hatan ba isu ne'ebe contribui ba violensia domestika no abuzu sexual, clarifika no komunika procesu ba hatan ba konflitus kona ba raí, hadia relasaun entre forza segurança no komunidade no, apóia mekanismu ba resolusaun ba konflitus hodi bele efektivu liu.